

Ministro President a sinti berguenza:

ARUBA CU PESIMO IMAGEN NA HULANDA Y INTERNACIONALMENTE

Un tereno dificil pa domina!

ORANJESTAD (AAN) -- Durante e siman cu a sigui na e acto di entierro di ex-Ministro Jan de Koning, Ministro Presidente a reuni den diferente ocasion cu señor Voorhoeve.

Manera ta conoci Sr. Voorhoeve recientemente tabata di bishita na Aruba pa un tempo cortico, pero solamente den un esfera di intercambio y pa cera conoci cu gobierno, pero no pa trata asuntonan concreto. Loke Premier Eman a destaca ta e pesimo imagen cu Aruba tin actualmente na Hulanda y na nivel internacional, loke e ta considera como "un tereno dificil pa domina" y cu pa dreche ta un extra trabo cu gabinete Eman tin su dilanti.

CONTACTO CU HU-

ABONADONAN SORPRENDI CU CUENTANAN

HALTO DI ELMAR

ORANJESTAD (AAN): Varios reaccion DIARIO a ricibi di abonadonan di Elmar, kendenan ta muestra cu nan a keda sorprendi pa e cuenta di e luna aki.

Algun abonado a bin topa cu un cuenta di Elmar, cu ta como 100 Florin mas cu luna pasa! Y esaki a sosode cerca esnan cu no a cumpra ningun artefacto electrico nobo den e luna cu a pasa.

DIARIO a ser hasta informa di un caso, caminda un señora a haya un cuenta cu ta como 200 Florin mas cu luna pasa! E tampoco no a cumpra nada, no a tene fiesta, etc.

Nan no ta compronde kico ta pasando! Un lector a muestra cu el a tuma e asunto di "calibra meter" cu a sali den DIARIO di Diaranzon cu hopi atencion, y ta haya cu algo mester worde haci pronto pa check e meternan na Aruba.

Su recibo a bini como 145 Florin mas cu luna pasa. "Mi pensamiento ta bay riba e famianan cu no tin e placa extra ey pa page... ta con nan lo haci?"

LANDA: Na Hulanda Sr. Voorhoeve y Premier Eman haya oportunidad pa bay mas concreto riba e puntonan di cooperacion y a palabra cu nan ta bay mantene e contactonan na un base regular, y dentro di algun siman ya sea Ministro Voorhoeve lo bini Aruba, of un delegacion di gobierno Arubano lo bay Hulanda pa yega na conclusionnan definitivo si ta posibel prome cu fin di aña.

ARUBA CU MAL IMAGEN: Ministro Presidente ta elabora riba e mal imagen cu Aruba tin na Hulanda.

"Algo cu nos tabata sa prome cu nos a tuma gobierno over, pero cu nos ta worde confronta cune ta keda haci dolor, ta cu Aruba su imagen internacionalmente y na Hulanda, a bay perdi totalmente.

Ami como Ministro Presi-

dente di e pais a sinti un verguenza enorme pa e manera cu nos a worde trata na Hulanda. Mi no kiermeen for di e ministernan cu nos tin contacto directo cu nan, pero en termino general, cu e imagen di Aruba a bay completamente perdi".

Ministro Presidente ta indica cu un di e tareanan di mas grandi cu gobierno tin su dilanti awor, ta pa drecha Aruba su relacionnan atrobe cu exterior.

"Nos ta trahando duro, y nos por soluciona esey. E por dura 6 luna of un aña pero e lo worde drecha", señor Henny Eman ta enfatiza.

Ministro Presidente ta señala cu, entre otro, ta existi problema grandi riba tereno laboral, unda cu tin hopi tension y cu por worde considera como un problema serio, pero cu lo haya solucion.

"Pero e problema cu mi a

encontra eynan ta e mal number cu Aruba tin na Hulanda, y consecuentemente na nivel internacional, loke si, no por worde drecha den un rato di ora.

Nos a traha duro entre 86 cu 88 pa Aruba goza di un imagen respeta na tur pais grandi y chiquito, pero cumpliendo cu tur e reglanan cu ta ser exige di un pais democratico, aworaki nan no ta haci ni caso di e pais Aruba.

Arubahuis no ta riba e lista di invitacionnan. Nos no ta forma parti mas di e trafico internacional riba e puntonan importante".

Ministro Presidente ta remarca cu e situacion ta serio y cu gobierno, prensa, y comunidad en general mester traha hunto pa percura pa cambia e imagen di Aruba atrobe.

E hecho cu aworaki e Parla-

mentarionan di MEP no kier participa di un tripartite sin cu nan tin un motivo valido pa esaki, ta causa, aunque di forma latente, cu na Hulanda nan tin e impresion cu Aruba no tin madurez politico, y no a produci politiconan cu por anda cu otro. Asina señor Henny Eman ta expresa, agregando cu e ta lamenta esey pasobra esaki ta nifica cu gobierno lo tin un tarea extra pisa den futuro, riba un tereno cu no ta facil pa domina.

"No ta manera e situacion financiero of economico cu bo tin den bo propio man. Ta algo di lamenta. Mi lo bay Staten dentro di algun dia, pa mi papia cu e Colegio Parlamentario riba esaki, y pa mi pidi nan cooperacion pa nos bay eliminando e aspecto di destrui nos mes, manera a sosode durante e delaster añanan".

READY KILOABUSO!!!

